

# P R A V I L N I K

o kriterijima raspodjele finansijskih sredstava Saveza klizačkih sportova Bosne i Hercegovine

Sarajevo, april 2012. godine

Na osnovu člana 24. Statuta Saveza klizačkih sportova Bosne i Hercegovine, te člana 23. Zakona o sportu i stava 6.4.2 Strategije razvoja sporta u Bosni i Hercegovini, Upravni odbor Saveza klizačkih sportova Bosne i Hercegovine na sjednici održanoj dana 02.04.2012. godine godine donio je:

## P R A V I L N I K

O kriterijima raspodjele finansijskih sredstava Saveza klizačkih sportova Bosne i Hercegovine

### I OSNOVNE ODREDBE

#### Član 1

Ovim pravilnikom utvrđuju se kriteriji, način i uslovi raspodjele finansijskih sredstava u okviru Saveza klizačkih sportova Bosne i Hercegovine (u daljem tekstu Savez).

#### Član 2

Sredstva za ostvarivanje javnih interesa i potreba u sportu Savez ostvaruje:

- Iz granta Međunarodne klizačke unije
- Iz budžeta Bosne i Hercegovine preko projekata pri Ministarstvu civilnih poslova Bosne i Hercegovine
- Iz budžeta Federacije Bosne i Hercegovine preko projekata pri Ministarstvu kulture i sporta Federacije Bosne i Hercegovine
- Iz budžeta Kantona Sarajevo preko projekata pri Ministarstvu kulture i sporta Kantona Sarajevo
- Na osnovu sredstava donatora i sponzora

#### Član 3

Raspodjela ukupnih sredstava vrši se Finansijskim planom u skladu sa usvojenim Programom rada, a kojim se utvrđuju:

- a) Sredstva za izvršenje zajedničkih i posebnih zadataka Saveza u oblasti klizačkog sporta u skladu sa Zakonom o sportu
- b) Sredstva namjenjena za izvršenje programa i zadataka u okviru domaćih i međunarodnih klizačkih takmičenja, planiranja i praćenja sportskih aktivnosti djece, omladine i ostalih
- c) Sredstva za funkcionisanje kancelarije, stručne službe i organa saveza

#### Član 4

U skladu sa zakonom o sportu utvrđeni su javni interesi u oblasti sporta na osnovu čega se planiraju finansijska sredstva za zadovoljavanje tih potreba putem godišnjih budžeta.

Raspodjelu sredstava za potrebe i interese klizačkog sporta u Bosni i Hercegovini vrši Savez.

#### Član 5

Ostvarena sredstva Saveza Finansijskim planom raspoređuju se na:

1. Sufinansiranje učešća vrhunskih sportista i reprezentativaca na međunarodnoj sceni
2. Sufinansiranje sportskih manifestacija od javnog interesa za Bosnu i Hercegovinu
3. Sufinansiranje izgradnje, obnove, održavanja i zakupa sportskih objekata te stvaranje uslova za masovno bavljenje klizačkim sportom
4. Sufinansiranje aktivnosti Saveza klizačkih sportova Federacije Bosne i Hercegovine i klubova članica koje su od značaja za razvoj klizačkog sporta u Federaciji Bosne i Hercegovine
5. Finansiranje rada kancelarije, stručne službe i organa Saveza

Preciznu procentualnu zastupljenost pojedinih stavki iz prethodnog stava za svaku godinu u zavisnosti od prihoda utvrđuje Upravni odbor Saveza.

## II KRITERIJI, NAČIN I USLOVI FINANSIRANJA

### Član 6

Sredstva Saveza raspoređuju se u procentima na:

- Sredstva za utvrđene namjene iz tačke 1. člana 5 u procentima cca. 70%
- Sredstva za utvrđene namjene iz tačke 2. člana 5 u procentima cca. 15%
- Sredstva za utvrđene namjene iz tačke 3. člana 5 u procentima cca. 5%
- Sredstva za utvrđene namjene iz tačke 4. člana 5 u procentima cca. 5%
- Sredstva za utvrđene namjene iz tačke 5. člana 5 u procentima cca. 5%

### Član 7

U cilju poštivanja zakonitosti cjelovitosti i zajedničkog planiranja i programiranja, te pravilne raspodjele finansijskih sredstava korisnicima, utvrđuju se opći i posebni kriteriji.

### Član 8

Ukoliko se utvrdi da organizacija ili pojedinac suprotno odredbama ovog Pravilnika, Statuta i Zakona o sportu nenamjenski troši sredstva ostvarena od Saveza, ista gubi pravo na ostvarivanje sredstava u tekućoj planskoj godini.

### Član 9

Na osnovu izvršene analize po općim i posebnim kriterijima Upravni odbor pravi kategorizaciju za plansku godinu i u okviru predviđenih procenata po finansijskom planu uvrđuje iznos sredstava po pojedinim korisnicima iz tačke 1 člana 5 ovog pravilnika.

### Član 10

Sredstva za utvrđene namjene iz tačaka 2, 3, 4 i 5 člana 5 kroz ostvarivanje programa rada raspoređuje Upravni odbor na osnovu Finansijskog plana, ukazanih potreba i zahtijeva. Za sredstva iz tačaka 2, 3, 4, 5 i 6 člana 5 Upravni odbor može raspisivati javni konkurs, a prioritet u finansiranju imaju kvalitetno pripremljeni programi koji zadovoljavaju javne interese u klizačkom sportu.

## Član 11

Upravni odbor na osnovu ukazanih potreba može vršiti preraspodjelu sredstava po pojedinim tačkama Finansijskog plana.

Sredstva utvrđena Finansijskim planom doznačuju se korisnicima shodno dinamici priliva na račun Saveza.

## III PRELAZNE I ZAVRŠNE ODREDBE

### Član 12

Odluke o prioritetima usmjeravnja finansijskih sredstava korisnicima u skladu s Finansijskim planom donosi Upravni odbor na osnovu potreba, programa ili provedenog javnog konkursa.

Odluke iz predhodnog stava u slučaju hitnih potreba za sredstvima može donijeti predsjednik Saveza, o čemu informiše Upravni odbor.

### Član 13

Za sva pitanja koja nisu regulisana ovim Pravilnikom primjenjivaće se Statut Saveza i Zakon o sportu, ili će se donositi posebne odluke.

Pravo tumačenja ovog Pravilnika ima Upravni odbor, a o njegovom izvršenju staraće se Upravni odbor i predsjednik Saveza.

### Član 14

Ovaj pravilnik stupa na snagu danom usvajanja.

Predsjednik UO Saveza

Zikrija Đonko